



Sarajevo, 18.11.2025. godine

-HITNO

- Parlamentarna skupština Bosne i Hercegovine

DOM NARODA

Gosp. Kemal Ademović, predsjedavajući Doma

Gosp. Dragan Čović, zamjenik predsjedavajućeg Doma


Gosp. Nikola Špirić, zamjenik predsjedavajućeg Doma

KLUBOVI U DOMU NARODA

Klub bošnjačkog naroda

Klub hrvatskog naroda

Klub srpskog naroda



PREDMET: Hitno stavljanje na dnevni red i usvajanje zakona, traži se.-

Uvaženi predsjedavajući i zamjenici, poštovana gospodo,

Kao što je poznato, problem neusvajanja budžeta koji se ponavlja iz godine u godinu, učinio je da zaposleni u institucijama Bosne i Hercegovine budu uskraćeni za povećanje plaće i to nepovratno za one mjesece koji prethode usvajanju budžeta. Ovakva situacija je diskriminatorna, jer državni službenici i zaposlenici u entitetskim institucijama regularno uživaju godišnje povećanje plaće, bilo da se budžet redovno usvaja, bilo da entitetski zakon predviđa povećanje osnovice već od 1.1. tekuće godine za tu godinu, bez obzira na budžetsku situaciju (usvojeni budžet ili privremeno finansiranje).

Kako bi se takav problem i evidentna diskriminacija otklonila, Predstavnički dom Parlamentarne skupštine Bosne i Hercegovine je na 31. sjednici održanoj 11.9.2025. godine usvojio Prijedlog zakona o izmjeni i dopuni Zakona o plaćama i naknadama u institucijama Bosne i Hercegovine (01-02-1-1628/25 od 17.7.2025. godine), kojim se otklanja navedeni problem i diskriminacija zaposlenih u institucijama Bosne i Hercegovine u odnosu na zaposlene u organima državne službe, odnosno uprave entiteta. Prijedlog zakona je u Predstavničkom domu po hitnom postupku usvojen **konsenzusom** („za“ je glasalo 34 od 35 prisutnih poslanika, jedan je bio suzdržan, a **niko** nije glasao „protiv“), te je isti dostavljen u Dom naroda, gdje je zaveden pod brojem 02-02-1-1628/25 od 15.9.2025. godine, i čeka na usvajanje.

S tim u vezi, molimo vas da na sjednicu koja je zakazana za dan 20.11.2025. godine isti uvrstite i usvojite na samoj sjednici, kako bi u buduće otklonili ovaj vid diskriminacije nad zaposlenima u institucijama Bosne i Hercegovine u odnosu na zaposlene na nižim nivoima vlasti

Savez sindikata policijskih organa u Bosni i Hercegovini, Sindikat Uprave za indirektno/neizravno oporezivanje i Samostalni sindikat državnih službenika i zaposlenika u institucijama Bosne i Hercegovine, koriste ovu priliku da vam izraze svoje poštovanje, u nadi da će se ovoj molbi udovoljiti i time otkloniti diskriminacija koju zaposleni u institucijama Bosne i Hercegovine trpe iz gore navedenih razloga.

**Savez sindikata policijskih
organa u Bosni i
Hercegovini**

Predsjednik

Mario Krajinović



**Sindikat Uprave za
indirektno/neizravno
oporezivanje**

Predsjednica

Ana Mrnjavac



**Samostalni sindikat
državnih službenika i
zaposlenika u institucijama
Bosne i Hercegovine**

Predsjednik

Radenko Mirković



Dostavljeno:

- Naslovu
- a/a